

大月氏

正義曰萬震南州志云在天竺北可七千里地高燥而遠國王稱天子國中騎乘常數十萬匹城郭

宮殿與大秦國同人民赤白色便習弓馬土地所出及奇瑋环物被服鮮好天竺不及也東秦國傳云外國稱天下有三眾中國為人眾秦為寶衆月氏為馬眾也在大宛西可二千里居媯

水北其南則大夏西則安息北則康居行國也

隨畜移徙與匈奴同俗控弦者可一二十萬故

時疆輕匈奴及冒頓立攻破月氏至匈奴老上

單于殺月氏王以其頭為飲哭始月氏居敦煌

祁連間

正義曰初月氏居敦煌以東祁連山在甘州西南及為

匈奴所敗乃遠去過宛西擊大夏而臣之遂都

媯水北為王庭其餘小眾不能去者保南山羌